



Broj: 05/7-39-1-115-81/22

Sarajevo, 30. 3. 2022.

Z A P I S N I K

81. sjednice Vijeća nacionalnih manjina BiH, održane 30. 3. 2022. u Banjoj Luci

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Dejan Piotrovski, Mladen Radmilović, Nedžad Jusić, Jovanka Manzalović-Šalaka, Hakan Varan, Halil Bicaj, Vjeročka Gajić, Tijana Vučurević, Davor Ebner i Eva Pašić-Juhas.

Sjednici, iz opravdanih razloga, nije prisustvovala Marija Grbić.

Sjednici su, također, prisustvovali: Aida Kreho, sekretar Zajedničke komisije za ljudska prava, Stojanka Šarović, savjetnica u Zajedničkoj komisiji za ljudska prava, i Enver Bogučanin, stručni savjetnik za informiranje.

Za sjednicu je predložen

DNEVNI RED

1. Usvajanje Zapisnika 80. sjednice Vijeća nacionalnih manjina BiH;
2. Razmatranje informacije sa zajedničkog sastanka Vijeća nacionalnih manjina BiH i Savjeta nacionalnih manjina Republike Srpske;
3. Razmatranje usmene informacije o pomoći izbjeglicama ukrajinskog porijekla, podnosilac: Andrija Svatok;

4. Razmatranje usmene informacije o izboru članova Vijeća nacionalnih manjina Brčko Distrikta BiH, podnositeljica: Todorka Jovanović;
5. Tekuća pitanja.

Dnevni red jednoglasno je prihvaćen.

Ad. 1. Usvajanje Zapisnika 80. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo primjedbi, Zapisnik je usvojen sa 16 glasova „za“ i jednim glasom „suzdržan“.

Ad. 2. Razmatranje informacije sa zajedničkog sastanka Vijeća nacionalnih manjina BiH i Savjeta nacionalnih manjina Republike Srpske

Predsjedavajući je navedenu informaciju dao na raspravu. S obzirom na to da se niko nije javio za diskusiju, informacija je usvojena jednoglasno.

Ad. 3. Razmatranje usmene informacije o pomoći izbjeglicama ukrajinskog porijekla, podnosilac: Andrija Svatok

Predsjedavajući je upoznao prisutne da je održao sastanak sa čelnicima Republike Srpske. Na tom sastanku je odlučeno da se pruži pomoć izbjeglom stanovništvu u Bosnu i Hercegovinu iz Ukrajine u formi smještaja, socijalne zaštite, školstva i drugih potreba. Na kraju uvodnog izlaganja predsjedavajućeg VNMBiH dogovoreno je da svi članovi pojedinačno uplate pomoć izbjeglom stanovništvu putem Udruženja Ukrajinaca iz Prnjavora po 100,00 KM.

Ad. 4. Razmatranje usmene informacije o izboru članova Vijeća nacionalnih manjina Brčko Distrikta BiH, podnositeljica: Todorka Jovanović

Članica VNMBiH Todorka Jovanović u svom izlaganju pojasnila je da je Komisija za zaštitu ljudskih prava Skupštine Brčko Distrikta BiH odabrala članove koji nisu pravi pripadnici i predstavnici nacionalnih manjina, po njenom mišljenju. Navela je da su kandidati primljeni iz udruženja koje je registrirano prije 50 dana i da nisu predstavnici nacionalnih manjina u pravom smislu.

O navedenoj tački dnevnog reda u raspravu su se uključili: Nedžad Jusić, Hakan Varan, Tihomir Knežiček, te Jovanka Manzalović Šalaka. U raspravi su Nedžad Jusić i Hakan Varan predložili sljedeća dva zaključka:

1. Vijeće nacionalnih manjina BiH osuđuje, kao i bezbroj puta do sada, praksu izjašnjavanja o pripadnosti nacionalnim manjinama lica koja to nisu, najčešće pripadnika konstitutivnih naroda, radi ostvarivanja određenih beneficija;
2. Vijeće nacionalnih manjina BiH traži od Komisije za zaštitu ljudskih prava Skupštine Brčko Distrikta BiH da do 7. 4. 2022. dostavi informaciju o raspisanom javnom pozivu za izbor članova Vijeća nacionalnih manjina Brčko Distrikta BiH, kriterijima za prijavu i izbor članova Vijeća nacionalnih manjina Brčko Distrikta BiH, te odabranim kandidatima, uz napomenu iz kojih udruženja nacionalnih manjina su imenovani odabrani.

Zaključak broj 1. usvojen je jednoglasno, dok je Zaključak broj 2. usvojen većinom glasova, s 13 glasova „za“ i tri glasa „suzdržan“.

Ad. 5. Tekuća pitanja

a) Informacija o konkursu za dodjelu stipendija redovnim učenicima srednjih škola romske nacionalnosti i ostalih nacionalnih manjina u školskoj 2021/2022. uvrštena je na prijedlog Nedžada Jusića. Predlagač je obrazložio da je Udruženje Roma "Euro Rom" Tuzla pokrenulo inicijativu da se u budžetu Tuzlanskog kantona odvoje finansijska sredstva za stipendiranje romskih učenika koji pohađaju srednje škole na području Tuzlanskog kantona, te da su, nakon sastanaka s premijerom Tuzlanskog kantona i ministrom obrazovanja, odvojena posebna sredstva za stipendiranje učenika romske nacionalne manjine, ali i učenika drugih nacionalnih manjina. Također, predloženi su sljedeći zaključci:

1. Vijeće nacionalnih manjina BiH podržava svaki vid podrške u obrazovanju romske nacionalne manjine, kao i podršku u obrazovanju drugih nacionalnih manjina u BiH;
2. Vijeće nacionalnih manjina BiH izražava zahvalnost Udruženju Roma "Euro Rom" Tuzla na aktivnostima koje su dovele do odvajanja posebnih finansijskih sredstava za obrazovanje učenika nacionalnih manjina u srednjim školama na području Tuzlanskog kantona;
3. Vijeće nacionalnih manjina BiH zahvaljuje Vladi Tuzlanskog kantona na odvojenim finansijskim sredstvima za obrazovanje Roma i drugih nacionalnih manjina;
4. Vijeće nacionalnih manjina BiH poziva kantonalne vlade u FBiH (osim tuzlanske), Vladu Republike Srpske i Odjel za obrazovanje Brčko Distrikta BiH da u svojim budžetima odvoje finansijska sredstva za podršku u obrazovanju Roma i drugih nacionalnih manjina po uzoru na Tuzlanski kanton.

Diskutirao je Tihomir Knežiček.

Nakon što su se članovi većinom glasova izjasnili da o svim predloženim zaključcima glasaju zajedno, zaključci su jednoglasno usvojeni.

b) Posjeta visokog komesara za nacionalne manjine OSCE-a najavljena je članovima za 7. 4. 2022. u Sarajevu.

Sjednica je završena u 18 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**